

炎緒自漢聽志

附續志



增補續志十二卷

增續志十二卷

十年甲申夏五月刊成

二十八年壬寅重校補

版舊藏

御書樓今置廳署

重修定海廳志敘



光緒辛巳耀弼任温州通判越二十  
年庚子仲冬始奉檄來署定海  
廳事時則畿輔倣擾寰宇震驚  
廳境孤懸海外兵輪游奕尤惴  
有戒心乃輯和防守拊循慰勉

重修志敘

越歲和議成民心始定爰以暇日  
徵閱志乘距前修刊成之期計  
六二十年而遺書屬有存者版藏  
御書樓亦散供十之二三凡圖四  
十俱闕頗疑有賄竊輸謀者因  
與此邦人士商訂捐資刊補俾還

舊觀復徵文攷獻別為續志十二  
卷謹度版廳署而為之敘曰定海  
為古甬東地載在春秋左氏傳  
由來舊矣自漢以來廢置移徙  
代有沿革大率視為島嶼聚落  
羈縻弗絕而已至我朝康熙

重修志敘

二

間始錫今名道光間復升縣  
為廳改隸行省歷設重兵鎮守  
其形勢聯絡曷延寔為浙東門  
戶特海道隔絕內援不及口岸錯  
雜無險可扼防不勝防故元明迄  
今海寇窺浙定海首罹其厄兵

戈屠戮志不絕書至明監國之  
既烈矣而尤可痛者則莫如兩次  
起遣之役劫火餘生離棄遷徙  
迫脅內渡并命橫流蓋極生民  
未有之慘讀大事志猶不覺怵  
目剝心為先民悲而益為吾民幸

重修志敘

三

也邇攷土著世系但有數姓餘  
皆沿海僑寓傳世蕃衍懋遷有  
無日夕至鄞故風土人情同於內  
地無獷悍鄙僂之俗亦其近習  
然也至物產磽瘠耕穫豐收尚  
不足供民食雖魚鹽之利稱為

衍沃然春冬兩汛輒增客籍數  
萬人食益不足米禁方嚴難期  
饋餽脫值荒歉其何以堪又漁  
汛主客雜處奸宄潛滋有司恆  
遠駐彈壓境屬海山碁置風濤  
險惡每有事勘驗往返需時撫

重修志敘

四

字催科倍難於內地鎮營兵力  
單薄水師駐守內隘呼應不靈  
孤艇巡洋內盜不能支遑御示外  
侮事變已極於今日而經制轉  
弛於平時此皆可慮之大者而  
此邦著稱則以補陀洛伽諸勝

靈山梵宇中外欣瞻至若疆圉  
憂危閭閻疾苦罕有過而問者  
茲志之修將以懲前毖後溯雲  
漢子遺之什仿監門流民之圖  
抱殘守闕以冀采風非若山經  
地志侈陳名蹟徒為游觀題

重修志敘

五

詠之資也

光緒二十八年歲次壬寅仲秋月  
鹽提舉銜調署定海直隸廳同知  
正任溫州府通判陽湖呂耀弼纂  
并書



重脩定海廳志敘

直省各府縣之孤懸海外者有四焉粵之瓊州閩之臺灣江南之崇明浙江之定海是也瓊與臺灣素稱劇郡物產饒富以定海較之僅一隅耳然瓊屬之煙瘴臺灣之番夷不靖人咸患之而定海無異內地也崇明境治與定海埒其風土民情亦相等然平沙曠衍無險要地以視定海之枕山面洋於層濤噴湧之間有萬島環拱之勢兼以補陀洛伽諸勝地爲仙佛所窟宅則山嶽之秀勝於崇明而屯兵守險碁布星羅外以控制大洋內則屏障海口較崇明爲尤重故昌國舟山諸志有宋以來纂不一人而我

朝康熙乾隆間兩次脩纂良以海疆巖邑官斯土者所當

定海廳志

卷一

敘

撫集其民人訓練其士卒周知其險阻以備不虞而筆之於書以示後人也夫乾嘉至今日百餘年矣戶口日繁土田日闢以及軍伍汎地鹽法財賦之日增日密不可無以誌之以信今而傳後志之宜脩也亟矣余奉

命視學兩浙之明年按試之甬知廳事史君佳若以所纂志稿屬余敘并屬參酌而審定之余維巡試之暇其於地方民習例得採風問俗以周知其故今觀其書近據康熙乾隆之舊志遠搜寶慶大德之遺編旁及史鑑各書以資考證而自乾嘉以後增入者攷之檔冊詢之耆舊必詳必確不尢不遺勒爲成書釐成三十卷體例悉合敘次分明而其尤善者莫如大事志一卷於斯邑之源流得失歷代

之沿革興廢瞭如指掌余乃嘉史君之兩任斯邑此願竟  
償而尤賴人士之參贊而有成然則斯志也真足信今傳  
後哉夫今之視昔猶後之視今吾知斯志之成視康熙乾  
隆兩志而加詳而史君以文章飾吏治且與江陰之繆公  
武進之莊公後先輝映並垂不朽己光緒六年庚辰秋七  
月

欽命工部右侍郎浙江督學使者太和張澐卿撰

敘

定海故春秋甬東地唐曰翁山宋曰昌國元升爲州明復爲縣又改爲所繼而復舊土人則以舟山呼之

本朝康熙間改舊定海縣曰鎮海而以定海名舟山道光間又升縣爲廳始徑達監司不屬甯波府治其地懸居海外有秀岱蘭劍金塘五山環繞左右洵四明之門戶兩浙之藩籬也初爲盜賊逋逃藪官不甚過問自宋高宗避金航海嘗駐蹕於此遂爲重鎮前明中葉巨盜勾結倭人出沒劫掠閭閻病之久而後定及其國亡後餘孽竊踞逋臣稽戮至康熙十餘年始次第削平迨道光辛丑英夷一再入寇陷城兵力未之能及迨議款而後來歸於是內增陸

定海廳志

敘

營外設城堡故粵逆之亂浙境幾失八九而賊眾渡海闕伺定城屹然獨存且官軍由此而進恢復浙東各郡以一隅之地爲大海砥柱爲全省樞紐其關繫不綦重與然非我

聖朝累洽重熙

德洋威讐豈能亂而復治失而復得俾居其地者獲衽席之安享魚鹽之利若此此尤脩志之舉不容少緩者也志昉於有宋紹熙寶慶我

朝則一創於康熙之繆大令燧再續於乾隆之莊大令綸渭迄今又百餘年矣况當兵後文卷冊籍遺文軼事懼多放失不全故搜輯尤亟前陽湖史君佳若再蒞是邦以繆

莊二君皆鄉先達願有以繼之乃延請一二名宿重脩廳志事增於舊文簡於前共得三十卷會史君去任未及棗行而漢陽陳君子固承其後恐書中不無舛漏復以示余俾爲之敘余老矣又病憊未暇詳觀而轉屬黃孝廉以周黃故家舟山且志之脩也曾與聞而未逮竣事旣爲之博考羣籍凡意有未安者無不一一標出之余因舉以復陳君庶幾重加參訂盡美盡善而後授之梓人焉光緒八年秋八月二品頂戴鹽運使銜浙江候補道無錫秦緡業敘

定海廳志

敘

二

敘

事有前人爲之後人踵之勿替前人之書以垂後人之鑑者雖才力不逮而抱遺訂墜之功所不敢自諉也定海志乘一書躬於宋紹熙間邑令王阮厥後有馮福京之大德志陶恭之正德志陶積之隆慶志何汝賓之天啟志而代遠年湮書缺有間略而弗傳者多矣明季置昌國衛用武之地也軍書旁午文教失宣伏莽之區典章散軼

國朝康熙間始設縣治以屏蔽甯郡而保障瀾東其時江陰繆公燧來任縣事迺探討遺文兼資故實纂定海縣志八卷乾隆間武進莊公綸涓涖任又掇拾藝文爲定海續志一冊得二公經畫周詳蔚然遂臻美備余竊慕繆公之定海廳志

敘

有以開其先莊公之善承其後也迄道光年間兩遭夷患旋就撫議以海疆巖邑重其權始不隸於郡而以直隸廳同知領之遂爲防禦之要衝而規模益敞同治乙丑余攝廳事甫下車求繆莊二公舊志其留貽者碩果僅存慨然以纂輯爲己事未幾改任去不果光緒丙子重涖是邦議伸夙志賴紳耆協力詢謀僉同始獲籌集經費延致名宿旁羅載籍鈎稽文牘並采大德四明寶慶延祐諸志要仍繆莊二公之舊而補掇其闕略考證其得失條列其異同以丁丑仲秋設局纂脩三閱寒暑而告歲噫成書固若此之難也竊維定海志自

國朝以來迄今凡三脩繆志成後幾六十年莊公繼之莊

志成後又百餘年而致馴實續脩之繆莊二公居同郡仕同官後先輝映政聲翕然赫赫若前日致馴以菲材繼其武歷官行政不克媲美前賢蓋自量已審卽是編之成其所謂輕重詳略之宜審擇取舍之權衡未知有當於繆莊二公之旨與否顧以鄉先達之遺緒及今踵而行之亦事會時勢之適然有出於不自知者惟疊經兵燹文獻無徵抱殘守缺僅能成編後有作者尙進而裁之幸甚幸甚光緒六年歲次庚辰

誥授通議大夫三品銜候選道知定海直隸廳事陽湖史致馴譔

定海廳志

敘

二

敘

今之舟山春秋時之甬東地也。舛縣於唐，升州於元，其間廢置併省不一，要未有不以舟山爲重鎮也。其地雄踞海外，衆山環峙，羣港四達，自古稱爲天險。明初從湯和議，廢縣置所徙民入內，當時臣民咸以爲不然。後世亦不能以信國之賢爲之曲諱我。

聖祖仁皇帝一統寰宇，底定四海，鑒明代之失策，重建縣錫以今名。

宣宗成皇帝又升縣爲廳，以重其權。此

天錫之智。

廟畧之全，卓躒於前古；昭著於方策者，也。元明舊志大半

定海廳志

敘

散佚

國朝康熙間所脩縣志，經周公聖化、繆公燧兩賢令相繼成書於田賦、軍政、學校、選舉諸大典，載之悉備，而遺黎休養之難、荒田墾闢之苦，以暨山海險阻之要言之，尤詳。前任知廳事史君致馴，又延邑中諸名士重脩廳志首紀。皇言次以圖表傳志畧圖列爲三表，列爲四傳，列爲五志，分爲十有二略，分爲二體，裁之善，有過前志而勝國徙內之失。我朝復縣之得，又歷載前人章奏議論，以明定海重地有關浙東諸郡，猶前志也。嘗讀顧炎武郡國利病書，顧祖禹方輿紀要，並以明太祖增設衛所爲善，湯信國廢徙縣民爲非。胡宗憲論舟山五穀之饒，魚鹽之利，可以食數

萬衆不待取給於外必脩復舊縣而後可楊鶴論舟山仍宜復縣以固浙東之藩籬唐順之論江南控扼在崇明浙東控扼在舟山天設此險以蔽江浙門戶二顧之書皆歷引之則舊新志拳拳於此者非邑人之私言也亦非守茲土者無所見於此而錄之方志也今史司馬去矣志稿具在僕承其後將授諸手民因念舟山之險要關係數郡與他縣之形勝有別其志之恭紀

聖朝復城社養兵民崇疆吏之職嚴烽埃之守文教武功超越往古亦與他縣志紀載一方沿革無大利病者不同迺復以藁就正於秦觀察澹如先生參訂成書遂梓而行之時在光緒八年元戡敦牂之歲知廳事蘄水陳恩受敘

叙

事有莫爲之前雖美勿彰莫爲之後雖盛勿傳若定海今之所謂舟山者孤懸邊海屹若長城旣川嶽以交輝復仙源之近接其與江南之崇明粵東之瓊州閩省之臺灣美盛並傳形同事俱物產魚鹽之利山成舟楫之形靈秀獨鍾設險有備攬物華於天寶旣庶復殷占人傑於地靈洵美且好誠四明之勝地兩浙之雄藩過是地者莫不艷羨稱之此間人情風土源流得失歷經古今前任纂成志帙雖簡編所載未及周詳然地以人傳典章具在一自劫灰之屢見遂令散軼以難修繼述之端責無旁貸斯山四面濱海撫治維艱外夷生窺伺之心內患有結連之慮雖關

定海廳志

叙

鍵可守究非耳目所能周閱自元明以迄於今其間由縣升州由州升廳嗣後又復廳爲縣道光間又升爲廳歷數世之相傳而更張迭事良以定海古稱劇郡允宜重以事權故不得不爲之審量於其際也官斯土者苟無德化以及之欲使鴟風可革龙吠無驚知必有難乎其爲者已前明倭夷迭犯道光英夷入寇咸豐復有粵匪之亂其中得失相因幾經蹂躪幸賴我

朝福威遠庇得以轉危爲安保全不失者匪獨定海之福實亦全浙之福也乙酉春正前任陳君因病出缺廳事虛懸藩得以謬膺斯篆二月初十奉檄冒險莅任正值法夷撲犯鎮口當經 提憲歐陽軍門先法制之復又指揮所

部相機痛擊洞中法輪自是法夷膽寒志不得進以是停輪於所屬之金塘地方離城祇六十里瞬息可通蓋是時法夷勢尙遷延意圖報復雖此地防軍雲集日夕戒嚴而殷富之家仍多遷徙莅任後正當此衝首辦鄉團繼編保甲清釐案牘昕夕無虛迨今夏中法事定防軍漸裁半載之間稍盡厥職質諸衾影可告無慙間嘗於案牘餘閒旁採風土洞察人情知斯廳志乘一書舊板散失而前任史君迭次集款修刊未竣解任實缺陳君有志續修亦以資斧不濟防務殷繁無暇及此功虧一簣機阻半途亥豕魯魚未能詳較心竊竊焉傷之今史陳兩君往矣藩得以謬承其後用敢不揣固陋竭力經營思必有以接踵而纂成

定海廳志

敘

二

之以補史陳兩君未盡之志第事經數任未克蕝工今始成於一旦不致再託空言是亦守斯土者之大幸也抑亦史陳兩君有以默禱默佑而成之者歟從此人文蔚起簡冊輝煌信後傳今交相勸勉諒亦同志者之所欣羨者耳光緒十一年歲在旂蒙作噩壯月穀旦知定海廳事都昌黃樹藩謹叙